



Broj predmeta: 13-000351/22
Broj akta: 01.1-1413EK-0084/22
Datum, 8.6.2022.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 - prečišćen tekst, 49/18, 08/19, 10/19 i 32/19) i čl. 70 stav (4) Zakona o javnim nabavkama («Službeni glasnik BiH broj: 39/14), a u skladu s članom 69. stav (2) tačka e) Zakona o javnim nabavkama («Službeni glasnik BiH», broj: 39/14), Izmjene i dopune zapisnika o pregledu i ocjeni ponuda BiH broj: 13-000351/22 od 6.6.2022. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1

Poništava se otvoreni postupak za **Lot 8 – Završetak izgradnje vodovodne mreže u Novom naselju Petkovača - Kostići** iz provedenog otvorenog postupka za nabavku radova na izgradnji objekata vodosnabdijevanja i kanalisanja otpadnih voda – 10 lotova za potrebe Odjeljenja za komunalne poslove Vlade Brčko distrikta BiH, koji je pokrenut na osnovu Odluke o pokretanju postupka javne nabavke broj: 13-000351/22 broj akta:01.1-1420MV-0001/22 od 11.2.2022. godine, Obavještenja o nabavci na portalu javnih nabavki broj: 1157-1-3-109-3-156/22 od 24.2.2022. godine i ispravke Obavještenja o nabavci broj:1157-1-3-109-8-206/22 od 16.3.2022. godine, predmjera radova u vezi sa Tenderskom dokumentacijom broj: 13-000351/22, iz razloga što su cijene svih prihvatljivih ponuda znatno veće od osiguranih sredstava za predmetnu nabavku, što prema čl. 69. stav (2) tačka e) Zakona o javnim nabavkama predstavlja osnov za poništenje postupka javne nabavke.

Član 2

Odluka o izboru najpovoljnijih ponuđača broj: 13-000351/22, broj akta:01.1-1413EK-0046/22 od 9.5.2022. godine, u dijelu koji se odnosi na dodjelu ugovora za Lot 8 najpovoljnijem ponuđaču „Borhtechinik“ d.o.o. Brčko, se stavlja van snage.

Obrazloženje

U provedenom postupku nabavke je donesena odluka o izboru najpovoljnijih ponuđača i ugovor za Lot 8 je dodijeljen ponuđaču „Borhtechinik“ d.o.o. Brčko koji je dostavio kvalifikacionu dokumentaciju u roku od sedam dana ali Rješenje o ispunjavanju uslova za obavljanje djelatnosti koja je predmet nabavke koje je dostavio u zahtijevanom roku od 15 dana nije bilo prihvatljivo jer je glasilo na konzorcij koji čine „Borhtechinik“ d.o.o. Brčko i „Duga“ d.o.o. Brčko, a ne na njega kao pravno lice. S obzirom da nije bio istekao rok za dostavu navedenog Rješenja, od ponuđača je zahtijevano da dostavi dopunu podneska na način da dostavi Rješenje o ispunjavanju uslova za obavljanje djelatnosti koje glasi na njegovo ime i to najkasnije do 27.5.2022. godine. U navedenom roku ponuđač nije dostavio Rješenje tako da je komisija za nabavke ocijenila da ponuđač „Borhtechinik“ d.o.o. Brčko nije ispunio uslove za potpis ugovora u skladu sa odredbama tačke 4.16. tenderske dokumenatcije. Komisija za nabavke je ustanovila da je drugorangirani ponuđač dostavio ponudu koja je prevazišla procijenjenu vrijednost nabavke i od Odjeljenja za komunalne poslove je zahtijevano da se izjasni o

postojanju dodatnih sredstava za finansiranje nabavke. Odjeljenje se izjasnilo da ne postoje dodatna sredstva i da je neophodno poništiti postupak nabavke. Komisija za nabavke je dostavila preporuku o poništenju postupka dodjele ugovora za Lot 8.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO

1. Pododjelu za javne nabavke,
2. Ponuđačima
3. Gradonačelniku,
4. Odjeljenju za komunalne poslove,
5. Službenom glasniku Brčko distrikta BiH“
6. Arhivi.

